
RAGAD ADVERTENTIE:

Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.

Advertentie limrah: f 0,15 sagaris:
(apes: f 1.25).

Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.

Hoofdredacteur:
B. SOEMARNA
kabantoe
REDACTIE - COMMISSIE.

ISINIPOEN:

Cantardo Ferrini — Pambantoenipoen Pa-
rentah—Joga angangga jogi — Pinter ké-
nging, nanging sampoen djoelig — Woel-
angan Gending ing N. S. Moentilan —
Tetingalan—Kabar saking Poerworedjo—
Loerah terpeladjar — Doekoen—Patronaat
ing Malang — Pangroekti-Laja Semarang
— Wawasan boekoe — Poespita mantja
warna — Ontjen sekar gambir melati —
Oerap-sari—Correspondentie.

PRADJA RAHAJOE.

CONTARDO FERRINI.

Contrado Firrini poenika satoeng-
giling sardjana Itali ingkang sake-
langkoeng damang dateng kawroeh
babadipoen Pranatan Roem. Koen-
tjaraning asmanipoen sang winasis
loemandjak dateng pradja poendi-
poendi adamel tjingaking ingkang
sami poetoes Pranatan. Nanging
soewoering asma waoe langkoeng-
langkoeng saking goenging kasoe-
jijanoepoe, malah manoes pang-
dikanipoen pijambak, inggih soe-
gengipoen oetami, poenika ingkang
mikoewati panggajehipoen dateng
kawitjaksanan.

Reringkesaning soegengipoen Ferri-
ni awoedjoed: sregep sinaoe, sembah-
jang lan ngangen-angen, keplok
kalijan paseksipoen ingkang sami
teping; déné moeloeking gagasan
bab toedjoening ngagesang mitrani-
poen ting Paulo Mapelli lan Vit-
torio Mapelli ingkang sami nekse-
ni, djer kakalihipoen, langkoeng-lang-
koeng Paulo Mapelli kerep sami
tampi serat isi krenteg lan osiking
panggalihipoen.

a. *Timoeripoen Contardo Ferrini.*
Mijosipoen C. Firrini wonten
kita Milan kala soerja kaping 4
October 1859; ingkang rama Rinaldo
Ferrini dados mahagoeroe 40 taoen
laminipoen wonten pamoelangan
loehoer bab Teknik; karanganipoen
boekoe misoewoer sanget nama:
„Tecnologia del Calore” lan „Elet-
tricità e Magnetismo.” Iboenipoen
sesilih Luigia Buccellati, soetji sa-
nget; pandjenenganipoen poenika
kagoengan sadèrèk 24, sadaja sami
dados prijantoen misoewoer-misoewoer.

Contardo katjarijos loeloet sanget
kalijan ingkang rama lan sepisanan
kémawon dèrèng naté damel roen-
tikipoen ingkang iboe.

Nalika pandjenenganipoen sinaoe
wonten ing Instituut Bocelli ing
salebetipoen 5 taoen kerep welas
dateng goeroenipoen awit sami bo-
ten agami. Saking pamoelangan
ngriki neroesaken 3 taoen malih
ing pamoelangan Lyceum Beccaria.
Sanadjan watekipoen djatmika sa-
nget, éwasamanten pitepangipoen
kalijan kantja-kantjanipoen njeneng-
aken blaka soeta, barès koerès, na-
nging datega rembag ingkang njembir
sengit ndjering sanget.

Contardo wiwit kala samanten
sampoen remen sanget dateng ka-
wroeh kasoesastran tandanipoen sre-
gep sanget ngawoehi pakempalan-
ipoen Widyastra ingkang anama
„Alessandro Manzoni” lan sanadjan
basa Jahoedi lan Siriah poenika
saklangkoeng angèl, sami dipen-
sambi-sambi ngantos saged maos
kanti gampil ngertos isining serat
basa kekalih.

b. *Mahasiswa ing Pavia.*
Kala taoen 1876 sapoetoesipoen
pasinaonan Gymnasium Contardo
pindah dateng pamoelangan loehoer
ing Pavia perloe njinaoe bab Pra-
natan Roem poesakanipoen bangsa
Itali.

Èstoenipoen Contardo boten na-
moeng ndjangka serat prataada,
nanging langkoeng inggil malih toe-
djoening karsanipoen, pandjenen-
ganipoen badé ngarah poelihing koen-
tjaranipoen tanah woetah-rah, awit
manawi ngrasaken tansah mindak
karanta-ranta, déné manawi tijang
Itali badé njinaoe Pranatan Roem
kanti nelas kedah dateng negari
mantja dateng tanah Djerman.

SWARA-TAMA

SERAT KABAR KATHOLIEK

Medal saben dinten Djoemowah.

Badé njinaoe gadahanipoen pijam-
bak teka ndadak kedah neda pitoe-
loenganipoen tijang mantja; kados-
poendi para sadèrèk manah kita
manawi katanggor kaoengakaken:
„Nèk arep njinaoe Djawa nganti
mateng, nggedèkna kawroehmoe
basa Landa disik.” Pramila maha-
siswa Ferrini boten ngétang sajah
loengkrah, njrempeng sanget pa-
ngoedinipoen kawroeh basa kina,
awit tanpa kawroeh basa Latin lan
Joenani mokal sagedipoen katoe-
toegan karsanipoen.

Wonten ing Pavia Contardo de-
dalem ing College Borromeus te-
toenggilan lan mahasiswa katah
ingkang sanadjan sami Katholik
sami kirang saé gesangipoen. Na-
nging darah Ferrini boten éwah
saking margi wawasanipoen, malah
kerep angganter pamatiraganipoen
ngantos terkadang boten saré, se-
daloe tansah sinaoe lan sembahjang.
Saben éndjing temtoe ndèrèk Koer-
ban Mis Soetji lan tampi Panoenggal
Soetji. Sanadjan djam-djaman ang-
gènipoen ngangen-angen bab ka-
soewargan, éwasamanten wonten
ing klas boten naté mlèntjèng ga-
gasanipoen, wonten ing padjagongan
boten naté nindakaken ingkang
nganèh-anèhi. Mitranipoen kinasih
Paulo Mapelli mastani pijambak-
ipoen „kasmaran ing Pangéran”
inggih margi saking gènging ngi-
badahipoen, lan tetijang kaprah sami
mastani Santo Aloysius ing College
Borromeus margi saking roeroehing
pasemon.

Nitik seratipoen dateng Paulo,
Contardo Ferrini kala samanten
sampoen ageng lan lebet sanget
pangandelipoen, awit oengeling serat
waoe: „Akoé trenjoeh banget jèn
ngèlingi oenèh-oenèh iki: Deus qui
laebificat juventutem meam. (Allah
kang karja boengah enomkoe).
Keprijé ta orané mangkono, awit
sanadjan angger wong kang kinasih
ing Pangéran kena kaanggep adjeg
enom, nanging kaja akoe lan kowé
rak loewih rinoban ing kabogahan.
Pangandel kang amarah soepaja
akoe pada boengah, marga Pangan-
del oega medar apa kang bakal
ndak tanpa mbesoek ing djaman
kalanggengan. Bener Pangandel mo-
no ara kena kagajoe ing pikiran
nanging ora taoe geloet karo kana-
laran.”

Dateng Dèwi Marjah sanget pa-
njoewoenipoen soepados maringi
poentoning kaoetaman Soetji, lan
pinoewoen poenika kakanténan lam-
pah ngarah-arab soepados sok tijanga
ingkang wawan ginem lan pandje-
nenganipoen oegi toemoeta moe-
moendi Poepoendènipoen. Dasar
pinter mitjara, saged sanget ngéng-
gokaken ginem kirang saé; déné
manawi dong kapèpèt boten saged
ngendakaken, ladjeng teroes késah
boten mawang sinten-sinten kanti
lingsem. Soepados mitranipoen sami
nindakna makaten sami katjarijosan
bilih isin makaten poenika kénging
kaoepamèkaken gendèraning Pakoe-
won Dalem Goesti Jésoes, ingkang
koemlèbèt martandani Goesti siné-
waka ing ngrikoe.

Kalijan laré alit tepangnipoen
naté weling makaten: „Angger kowé
seneng sembahjang, sinaoe lan mba-
ngoen-toeroet kowé mesti bakal
ajem.” Laré ngèstokaken lan bèn-
djing dados dochtor.

Kala taoen 1880, inggih taoen
nalika Contardo kakepakakn dados
Dr. in de Rechten, pandjenengan-
ipoen kabaekot ing kantjanipoen ing-
kang sami remen maos serat kabar
mengsah Agami; Contardo ngèmoet-
aken, nanging pamalesipoen . . .
tèmboking sentong padjagongan ka-
langsé mawi koran awon „Secolo.”
Mangka kala samanten mangsa ba-
diding lan sentong ingkang anget
sakétja namoeng satoenggal poenika;
nanging sanadjan badidingipoen asrep
kelangkoeng, Ferrini boten kersa
mlebet dateng sentong padjagongan,
sinaosa talingan soemroewoeng, ge-
ger goemeter déning atis.

W. S. — P.
Badé kasambet.

PAMBIJANTOENIPOEN PARÉNTAH.

Ing ontjen sekar gambir melati
Sw. T. no. 32, sadèrèk Patjar mérah
ngandaraken jèn: gandèng kalijan
lelampahan itjalipoen laré Salam
(Kedoe Tj.) s.k. Het Nieuws van den
Dag njarijosaken: mireng rembag-
ipoen tijang ingkang nedja ngleboer
padagangan waoe (padagangan laré
èstri Tj.) boten poeroen njamboet
damel sasarengan kalijan paréntah.
Kawontenan poenika ladjeng dipoen-
getoeni Het Nieuws. Saladjengipoen
Het Nieuws mrajogèkaken sanget
soepados C. P. P. A. salebetipoen
toemandang damel poeroena neda
pitoeloenganipoen poelisi toewin pri-
jantoen pangrèh pradja.

Sanadjan sad. Patjar mérah oegi
mireng saking swantenipoen salah
satoenggiling warga, ingkang ing
semoe pandakwanipoen Het Nieuws
waoe njata. Éwasamanten koela
gaduh kejakinan jèn pandakwanipoen
Het Nieuws waoe boten njata alias
goroh, djer koela njipati pijambak
gandèngipoen pangrèh C. P. P. A.
kalijan prijantoen pangrèh pradja
ing Salam ing ngatasipoen pangoe-
roesing laré Salam ingkang itjal roe-
mijin. (laré waoe sapoenika sampoen
pinanggih, anggènipoen itjal namoeng
tigang daloe, pinanggihipoen wonten
dépo Kemetiran Djokja Tj.) Dados
getoenipoen Het Nieuws waoe ké-
nging koela wastani tanpa teges,
éwasamanten inggih dados tanda
jekté jèn Het Nieuws ngangkah lan
mrajogèkaken soepados golongan
Non malih dados golongan Co.
H. TJITRA.

ECONOMIE.

JOGA ANGANGGA JOGI.

Babagan economie.
Kados ingkang sampoen kasbat
ing serat-serat kabar, ombjaking
djaman semangké, prasasat mèh sa-
ben panggènan inggih kita, inggih
doesoen, sampoen katah pakempa-
lan - pakempalan cooperatie (dagang
baton) njèlengi lan sapanoenggilan-
ipoen ingkang kaedegaken, ingkang
toedjoenipoen badé njakaken eco-
nomie-nipoen.

Para pengandjoer-pengandjoering
kaoem terpeladjar Indonissier, sam-
poen lami kedjawi sami ngawonten-
aken pakempalan politiké, oegi
sami ngoedi soemedyja njakaken
economienipoen bangsa kita. Déné
menggah anggènipoen badé njakè-
ken waoe mawi sarana warni-warni
kadosta:

Ngoedi soedaning tjatjahipoen li-
ntah darat, sarana ngawontenaken
pidato-pidato, lan menggah dateng
bangsa kita anggènipoen remen lan
tansah njelaki dateng lintah darat
waoe.

Ngedegaken pakempalan dagang
ingkang ngemoengaken namoeng
kanggé tijang Boemipoepera (Madeg
ing taoen 1928 wonten ing kita Soe-
rabaja, kanamakaken Setia). Pamen-
dipoen pawitan sarana njadé serat
aandeel.

Kedjawi poenika oegi taksih ka-
tah srana sanèsipoen malih.

Jèn nitik kawontenan-kawontenan
ing nginggil waoe ndadosaken bi-
ngah lan mongkoking manah kita,
déné bangsa kita Indonissier ingkang
soewaoenipoen sami dipoen was-
tani ringkih ing bab economienipoen
déning bangsa sanès, sapoenika sam-
poen katah ingkang sami karsa goe-
mrègah toemandang badé ndadosi.

Ombjaking sakatahipoen pakem-
pala politiké, sinarengan madjeng-
ing pakempalan ingkang toedjoeni-
poen badé njakaken economie. Ing
ngrikoe pantjèn mateok sanget. Awit:
jèn namoeng ngambah ing ka-
langan politiké kémawon, tanpa ngè-
ngeti dateng srana, margi lan gega-
ranipoen, ing ngrikoe satemah ka-
politikéan waoe badé . . . nihil,
wohipoen.

O, moegi Indonesia sageda tan-
saha mindak adjenging pakempalan
kalih waoe. Lan bangsa kita Indo-
nissier sageda mindak-mindak ing-

kang sami insjaf (ambetahaken) da-
teng pakempalan kalih waoe, inggih
pakempalan politiké inggih pakem-
pala economie.

Lha, sapoenika kanggé golongan
kita gotrah Katholik kados-poendi?

Poenapa inggih badé tansah kèn-
del kémawon lan karsa kantoen kali-
jan golongan sanès anggènipoen
ngoedi dateng saéning economie?
Leres, sapoenika kita sampoen
gaduh pakempalan sociaal (K. W.
P. K. W.) lan oegi pakempalan po-
litek (P. P. K. D.), ingkang dados
tetamèng, tetoenggoel poenapa malih
ingkang saged ngijataken actie kita
gotrah Katholik.

Nanging poenika poenapa boten
nama taksih koetjiwa, jèn kita go-
trah Katholik boten ngawontenaken
pakempalan malih ingkang midji
kanggé njakaken economie lan
ndjagi saéning gesang kita?*)

Ing woesana soemangga kita bo-
rongaken doemateng para maos toe-
win para pangarsaning tjabangipoen
pakempalan kita K. W. P. K. W. da-
lah P. P. K. D.

Noewoen. Aksamanta
Percy Blakeney.

KOEROE SÉTRA.

PINTER KÉNGING, NANGING SAMPOEN DJOELIG?

(sadjawining tanggapan redactie).

Wonten lelampahan ingkang saé
toewin boten poenika saking kinten
koela namoeng margi kempalanipoen
(omgang). Noedjoe satoenggiling di-
nten koela ketamoean tijang nami Ka-
dji Aboe Kasan, madoelaken déné
pijambakipoen tansah boten kendat
kelebon tjina goendoelan kémawon.
Pak kadji waoe gegrija ing doe-
soen Kebedan (Brebes), gadah anak
djalar nama KADJI Sirad grija ing
Brebes.

Kinten-kinten sampoen raji dangoe
sapriki Kadji Sirad gadah manah badé
apoès-apoès dateng tijang sepoeh.
(Dados boten males malah).
Mekaten waoe kelampah. Kadji Sirad
manggih tijang sepoehipoen, nedy-
a kapoerih nekse-ni anggènipoen njam-
boet arta f 400 (sekawan atoes roe-
pijah) dateng bah Kong Heng meub-
elmaker ing Tegal. Sanadjan laré
waoe sampoen sering-sering lampah
makaten, nanging poen bapa taksih
gaduh kapitadosan dateng anak. Ka-
dji Aboe Kasan teroes tèken porot
ing serat katrangan (acceptatie). Sa-
reng sampoen sawatawis woelan
bah Kong Heng naghipoen boten
dateng anak nanging dateng bapak.
Poen bapa tetep boten poeroen, mar-
gi boten roemaoes nganggé artani-
poen. Prekawis poenika ngantos da-
teng pengadilan lan woesana Kadji
Aboe Kasan kapoetoes mbajar, jèn
boten poeroen badé poen beslag, ge-
gadahanipoen. Lan pinaringan tempo
14 dinten, bok bilih Pak Kadji Aboe
Kasan badé damel persèt (request).

Dados jèn makaten, saged oegi
ing acceptatie-nipoen babahé makaten:
„Saja bernama Aboe Kasan, me-
rasa pindjam wang (dados
boten saja bernama Hadji Sirad).

Nalika samanten pak Kadji manah
boten kantenan.

— Sigeg —

Ing satoenggiling dinten wantji
sijang ± djam 10, pak Kadji Aboe
Kasan ketamoean, tijang djalar, nga-
gem stel, katja mripat njangking
tasch. (Nalika datengipoen tijang
poenika poen pengarang inggih njoe-
merepi nganggé mripatipoen pijam-
bak, malah koela wastani Babahé
maoe nagih rekening).

Wonten ngrikoe ngakenipoen
Meester (apokat). Pak Kadji saweg
riboet ngrasaken prakawis ndadak
ketamoean pokroel. Lan njarijosaken
jèn badé dipoenbeslag poenapa.
Waaah la kaleresan: pokroel ladjeng
tjrijos: „Pak kadji jèn sampéjan badé
dibeslag wah soesah banget, sebab
pari-pari niki pripoen? (Nalika sa-
manten saweg panèn). Hla saniki
kedoe énggal gawé presèt; soepaja
adja nganti dibeslag. Prakara gawé
koela saged, moeng mawon nganggo
) Roeti Woeri? Red.

REGINIPOEN LENGGANAN
SWARA TAMA

| | | |
|----------|--------|---------------------------------|
| 1 taoen | f 6,— | } njoewoen kabajar roemijin. |
| 1/2 " | f 3,— | |
| 3 woelan | f 1,50 | |

Adrèsiipoen Redactie lan Administratie
IGNATIUS-COLLEGE
DJOKJAKARTA.
Telefoon no. 885.

Drukkerij „Canisius” Djokja.

ongkos f 30— (tigang dasa roepijah),
f 23 kanggé ongkos landraad.
f 5 kanggé toembas zegel.
f 5 kanggé ongkos njerat.
Kesinggihan, pak Kadji Aboe Ka-
san namoeng saged mbajar f 25, lan
ingkang f 5 semados béndjing.
Pokroel bamboe sagah; teroes njerat
wonten zegel.

Sampoen rampoeng, pokroel wang-
soel, serat kabekta. Let 12 dinten
pak Kadji kedatangan Glivier badé
mbeslag saèstoe. Kadji Aboe Kasan
kagèt sanget. Dados terang jèn serat
waoe boten loemebet ing post, na-
nging ing tasch-ipoen pokroel. Tan-
danipoen ngantos sapriki pokroel
adrijih nagih ingkang f 5 kantoenani-
poen. Pokroel waoe nama Bang
kasan: grija ing Tegal. Saged oegi
poen Pokroel sampoen tjantèl kalijan
Kadji Sirad oegi.

Inggang makaten waoe moegi
andadosna pangémoet-émoet dateng
para maos ingkang sampoen pepoe-
tra; sampoen ngantos ingkang poe-
tra Lan oegi koela atoeri
ngatos-atos jèn ketamoean ngaten
poenika (Bekakas pekiran).

Noewoen koela
H. IJO TO?

V A R I A.

WOELANGAN GENDING ING N. S. MOENTILAN.

Djaman taoen '29 poen panjerat
ngalami angsal woelangan gending
Djawi wonten ing N. S. kasbat. Na-
nging rehning dèrèng gadah dedasar,
dados inggih angèl mlebet ing piwoe-
lang. Éwa déné manawi wonten
feest ingkang kanggé ramé-ramé
inggih sampoen loemajan.

Ing samangké, temtoenipoen woel-
angan gending ing N. S. kasbat
inggih taksih lestantoen, mbokma-
nawi malah saja mepeng, djalaran
sapoenika gamelanipoen dipoenpiara.
Kendang ingkang waoenipoen bedah
tjekap goendoel, samangké sampoen
tjeng pating srengdil, sapoenika sam-
poen komplet; lan gamelan baroet
ingkang waoenipoen prasasat boten
kopèn waoe, samangké malah kerep
dipoentoetoeki, djalaran koeping
Djawi pantjèn mateokipoen dateng
slédro (baroetipoen laras sléndro,
gamelanipoen ageng laras pélog).

Dadoeng ingkang kanggé nggan-
toeng Kjai Singa Moelja (namaning
gong ageng) dalah pak kempael,
ingkang waoenipoen doek, samangké
santoes dodoeng saking benang abrit
soemringah komplit lan tampingan
wilahan baroet; dalah baroet waoe
ingkang waoenipoen taboehipoen
namoeng grèkèk - grèkèk, samangké
sampoen mrepek. Gamelan baroet
ingkang waoenipoen tanpa kendang,
sapoenika kendangipoen malah éng-
gal.

Samangké ingkang ketingal ma-
djeng N. S. klas III. Pamoedji koela
moegi woelangan gending waoe sam-
poen ngantos kasowak, ananging
malah saja mandjenga. Mangga Hr.
Hardjawardaja, koela atoeri noelar-
aken kagoengan pandjenengan ka-
wroeh gending saking Habiranda.
Seokoer dipoenwoelangi ndalang lan
mbeksa.

Gamelan poenika kagoenan Dja-
wi, darbèkipoen bangsa Djawi. Laré
djawi langkoeng preloe ngretos gen-
ding-gending Djawi, tinimbang me-
njanji tjara Walandi,

Mangga para siswa N. S. ers
Moentilan, dipoenteroesaken anggen
pandjenengan sami sinaoe gending
Djawi. Pandjenengan tjettep sadaja
kawroehipoen gending goeroe pan-
djenganan. Boten-botenipoen jèn ba-
dé ketelasan, Nanging weling koela
sampoen ngantos margi seneng gen-
ding, ladjeng ngliwaken piwoelang
ing pamoelangan.

Koela ingkang sampoen boten
saged sinaoe gending malih, boten
saged noetoek kempael, jèn ndoe-
doek kimpael ing ngrika katah.

Poen bonang kepentjil.
S. S. DH.

DOEKOEK.

Kala dinten Setoe sonten tg. 9-8-'30 tjabang P.P.K.D. Doekeon ngwontenaken parepatan warga sesipanan: wonten ing pamoeangan Vervolgschool Doekeon, ingkang rawoeh warga bestuur pepak, kedjawi 2de. Commissaris. tamoe saking Moentilan 2. sedaja wonten prijantoe 10. Wakil prén-tah (w. A. W.*) Watawis djam 5 parepatan kabikak bédang pangarsa mawi tata tjara Katholiek.

- Inggang karembag (Agenda).
1e. Pamboeka.
2e. Sesorahipoen R. M. Soerjamoersandi bab babadipoen P.P.K.D.
3e. Haking pakempalan.
4e. Pitakénan.
5e. Panoetoep.

Sesorahipoen R. M. Soerjamoersandi bab babadipoen P.P.K.D. pandjang lebar damel marem koela sami.
Gandeng kalijan pakempalan R. M. Soerjamoersandi oegi ngandikakaken pakempalan-pakempalan ing Indonesia; sak pérangan ageng wonten kalih golongan inggih poenika:
1e. Kempalanipoen bangsa kilènan toewin
2e. Kempalanipoen bangsa Indonesiers.

Kempalanipoen bangsa kilènan oepami I. K.P.; V.C.; I.E.V.; Europeesche B.B. ambenaren toewin sanès-sanèsipoen.
Kempalanipoen bangsa Indonesiers oepami P.P.K.D. B.O.; P.P.P.K.I.; P.N.I.; P.S.I. toewin sanès-sanèsipoen.
Pakempalan-pakempalan poenika mèh sedaja sami actienipoen, namoeng dedasar toewin tradjanganipoen bédadé.

- Wonten ingkang dedasar:
a. kabangsan; (Nationaal).
b. Agami.
c. Sociaal.
d. Neutraal.
e. Non Coöperator.
f. Coöperator toewin sanès-sanèsipoen.
Trijanganipoen wonten ingkang:
a. Rikat sanget daja-daja gèk kalakona.
b. Rikat mawi moelat.
c. Rindik.

Satoenggal - toenggaling pakempalan oegi dipoengandikakaken kanti tjekak-aos.
Dedasaripoen pakempalan kita P.P.K.D. wonten 4 prakawis inggih poenika:
1e. Katholiek.
2e. Nationaal ingkang tjendoek kalijan agami toewin kabangsan.
3e. Evolutie (boten kènging damel kapitenaning sanès).
4e. Cooperatief (njamboet damel sesarengan samenwerking).

Sesorahipoen R.M. Soerjamoersandi koela tjekak semanten kémawon: telas sesorahipoen wonten sadèrèk sawatawis njoeuwen pirsawarni-warni; spreker paring katrangan sak tjeta-tjetanipoen kanti legawaning panggalih; damel mareming prijantoe ingkang njoeuwen pirsawarni.

Haking pakempalan kaandaraken toewan voorzitter tjekak-aos.
Watawis djam 7 parepatan katoetoep kanti willoedjeng.

Verslaggever.
J. KOES.

*) margi wonten aral preloe ragi telaat.

PATRONAAT ING MALANG.

Sampoep radi lami, pandjenenganipoen Fr. M. Augustinus, pengagengipoen pamoeangan R. K. H. I. S. ing Malang, kagoengan karsa badé ngwontenaken pakempalan kanggé laré-laré ingkang sampoep sami medal saking pamoeangan waoe. Kala wonten parepatan goeroe, Frater pengagenging pamoeangan ndjéntrèhaken prakawis poenika klajan terang. Kados adat saben parepatan poenika dipoendjenengi Ngarsa dalem Mgr. C. van der Pas kalijan satoenggiling pas-tioer ing ngriki. Sadaja ingkang wonten sami roedjoek wontenipoen pakempalan waoe.

Ing salebteipoen woelan Juli ingkang sampoep kapengker poenika sampoep kalam-pahan para tilas moerid sami saged nglem-pak. Anggènipoen sami kempal kados déné nalika taksih sami dados moerid ing ngrikoek. Tjatihing ingkang dateng wonten 36. Samanten poenika wonten ingkang taksih sinaoe, oepaminipoen wonten M. U. L. O., wonten ingkang sampoep tjepeng damel.

Pandjenenganipoen Mgr. C. van der Pas nerangaken tjekak bab maksoedipoen sarta toedjoenipoen Patronaat. Ingkang dipoen-wastani Patronaat poenika pakempalanipoen para moeda, ingkang mawi dipoenajomi salah satoenggiling tjang soetji. Pangajomaning Patronaat ing ngriki St. Stanislaus. Ingkang dipoenodi inggih poenika kawilloedjengan-

"TETINGALAN."

Wonten ing Swara Tama No. 32 tanggal 8 Agustus 1930 koela maos prakawis „Pasar malem“, pawartos saking „De Koerier No. 95“ martosaken, bilih Bestuur ing Ngajogjakarta mangsoelaken panjoewoenanipoen bangsa Tionghwa anggènipoen badé ngedegaken peken malem bédj-djing woelan September ngadjeng poenika, malah mangsoelaken oegi panjoewoenanipoen Harmston's Circus; ingkang djalaran wontenipoen Bestuur mangsoelaken panjoewoenan bab karaméjan waoe, kabekta Bestuur menggali kawontenanipoen economie kawoela ing Ngajogjakarta.

Inggang poenika waoe, koela namoeng toemoet bingah toewin meoedji, karsanipoen Pangrèh ingkang kados makaten waoe moegi-moegi dadosa toeladanipoen Pangrèh sanèsipoen.

Ing sarèhning koela mas prakawis kasebat nginggil, ing riki koela kapeksa oeroen-oeroen kabar:

Ing doesoeng Gondang (sak Wétan Sragèn) satjelaking pabrik gendis Kedoengbantèng, sampoep kawartos, manawi ing rikoe (wekdal poenika) saweg risak economienipoen djalaran woelewedaling sabin kirang sanget tinimbang kalijan taoen ingkang sampoep-sampoep.

Éwasamanten rikala woelan Juli 1930 wonten karaméjan barangan ringgit tjang laminipoen ± 1/2 woelan, sak bibaripoen ringgit tjang, ing woelan Agustus poenika ladjeng wonten barangan ketoprak.

Waaah, kantong (wadah doewit) sida lemes.

ipoen para warga, ing bab rohani lan djasmani.

Inggang sami ngatoeraken tèken, minangka pratanda jèn poeroen dados warganing Patronaat: sadaja ingkang sami dateng ing ngrikoek. Sanadjana tilas moerid ingkang dèrèng kabaptis, wonten oegi ingkang toemoet.

Kinten-kinten djam 8 sonten, pakempalan bibar. Moegi sageda lestantoen sae. *) J. S. M.

JAARVERGADERING PANGROEKTI LAJA SEMARANG.

Tg. 17-8-'30 Setoe malem Ngahad, ing Semarang ngwontenaken jaarverg. P. L. ing Nitiwardjan, wiwit djam 7.45.

Inggang rawoeh sed. 17, tamoe 2. Sasampoepipoen kabikak déning voorz. mawi tata tjara Katholiek ladjeng:

2. Maos Notulen.
Notulen boten saged kawaos djalaran saking pindahipoen sed. F. Dirdjaseomarta—Betjoeloek, mangka secr. énggal (sed. Soepadi) dèrèng nampèni boekoe? saking ex. secr. (dèrèng over gave over name).

3. Maos jaarverslag.
Verificatie: ingkang dados verificateur: 1. sed. Dirdjapernata. 2. sed. Dwidjatana. 3. sed. Atmabodaja.

4. Nlesihaken tjatihing warga bathi, lid ingkang warga bathiipoen tambah kedah ladjeng soeka soemerep dateng bestuur soepados saged énggal mlebet register.

Nampi lid énggal 2, sed. Soekirman lan Dwidjatana.

Bab aangenomen kinderen (anak angkat) boten kalebetaken anak: sagedipoen klebet anak, jèn sampoep wonten seksi lan kedah kapriksa déning bestuur roemijin.

5. Pilihan bestuur.

Voorz. adjeg. inggih poenika: R. M. Soe-darta Sasraningrat.

Vice Voorz. adjeg: R. Soeparna Paschalis.

Secr. sed. Dirdjapernata.

Pen. meester adjeg: sed. Djaswadi.

Comissarissen: adjeg:

sed. M. J. Manabda Adisoewignja.

G. Alib Anggasoebrata.

tambah V. Soetèdja Bratasoetèdja.

6. Pitakénan lan oesoel?

Sed. E. Martawidagda oesoel soepados P. L. nitjila pirantos saking sakedik.

Wangsoelan: Réhning arta boten wonten, dados boten saged nitjil; poetoesaning parepatan, amrih kelampahan, kedah mawi intilan (bijdrage adjeg) pendak woelanipoen seketer; sadèrèk ingkang blandja kawah kasoeuwen kanti taklim karsaa maringi: intilan radi langkoeng.

Jèn dong wonten sripah, intilan vrij (boten katarik).

Bab sembahjang jèn dong wonten sripah, prajogi wonten grija lan ing koeboeran, boten perloe wonten margi, margi dèrèng mangsanipoen, langkoeng? Semarang. Lampahing lajon sasaged-saged ingkang tamban, déné jèn ingkang gadah akèn rikat, margi saking wekdal oetawi sebab sanès, kènging kaseng-kakaken.

Sed. Bratasoetèdja oesoel: Bab lèk-lèkan soepados giliran kados déné jèn dong saos Sakramèn Maha Soetji ing Grédja, soepados ingkang kesripahan sampoep ngantos soewoeng bloeng. Nanging kawah sadèrèk ingkang boten tjotjog, margi kawah sanget kangèlan, langkoeng-langkoeng kanggènipoen sed. Semarang, grijanipoen tebih-tebih. Oepami ingkang sripah sadèrèk Lemahgempal (Smg. West), ingkang ketiban serat melek djam 3—5 éndjing: koela, grija koela Semarang oost, éndjingipoen koela kedah nglampahi ajahan dienst djam 7 nampi telegram, dados toemindakipoen rekaos.

Poetoesan: Prajogi kedah dipoenlèki, nanging boten mawi regel: kowé mengko bengi melek djam 3—5. boten! nanging: Para warga kasoeuwen kanti sanget mboetjal kangèlan sekedik merlokna ngelèki.

Bestuur P.L. sagah toemoet ngrembag tata-tjara Katholiek sesarengan kalijan commissie tata-tjara Kath.

Sed. Nitiwardja ngemoetaken sampoep ngantos kasoepep njembahjangken ingkang ngadjal, boten kétang sak tientièl.

Djam 10 plek, verg. katoetoep kados adat.

M. J. A.
vers. gev.
Semarang.

*) Ing Ngajodja ngriki oegi sampoep wonten pakempalan kados makaten poenika, kanamakaken P. S. K. (Pakempalan Siswa Katholiek). Pendak Ngahad kapisan lan kempalan. Red.

Menggah tjaranipoen ingkang sami remen ningali waoe (ingkang kawah-kawah, dados boten sadaja ingkang sami mriksani, loo!) manawi boten gadah arta, sami pados samboetan, manawi pados samboetan boten angsal, inggih dateng poendi malih, boten sanès inggih dateng roemah gadé.

Ooo, mbok-mbok, gadènmoe boor loo!!

Menggah ingkang sampoep koela soemerepi, tjang-tjang ingkang pantjèn sami remen dateng tetingalan waoe, kadjawi risak economienipoen, inggih wonten ingkang risak kaoer-matanipoen; kadosta: laré oetawi tjang èstri wonten ingkang gandroeng kalijan speleripoen djaler; tjang djaler wonten ingkang gandroeng kalijan speleripoen èstri. Poenapa boten memelaas.

Koela pijambak inggih ngantos goemoen. Goemoen koela waoe: manawi sami kadawoehan nitjil paos sami semados, malah ngantos wonten Loerah doesoep dipendoekani déning prijantoe Bestuur ingkang ambawahaken, inggih djalaran saking tjang alit kawah ingkang dèrèng nitjil paos. Éwasamanten manawi wonten karaméjan, sak dengah klas mèh „vol“ (kekab tjang).

Tjatang ing rikoe pantjèn katingal madjeng dateng tetingalan, kosok-wangsoelipoen economienipoen inggih kawah ingkang pating srendil.

Pramila saking panjoewoen koela bokbilih prijantoe Bestuur menggali kawontenanipoen tjang alit, ing tembé wingking, manawi ing rikoe kawontenaken karaméjan kados ingkang sampoep - sampoep,

reginipoen kartjis kémawon soepados kadawoehan damel mirah-mirahan, kados déné ing kita Ngajogjakarta bangsa ketoprak kartjis klas glodag namoeng ± 5 cent; soepados pak Singawonga boten mesakaken sanget-sanget. — SINGGIH.

KABAR SAKING POERWARE-DJA.

P. Bl. martosaken:

1. Dèrèng dangoe poenika Contro-leur peken ing Poerwardja tjang Welandi lan Marktmeester-ipoen tjang Ambon sami dipoenkèndeli saking pangkatipoen, amargi kepriksa arta kas kepanggih kirang. Doe-moegi titi mangsa poenika teksh katahan, dèrèng wonten poetoesan.

2. Gegajoetan kalijan rija wiasan dalem Sri Maha Radja Poetri Wilhèlminah sampoep djangkep 50 taoen joeswanipoen, bédjing tanggal 31 Augustus ngadjeng poenika, sedaja sekolahan Gouv. (angka 11, vervolgschool, sekolahan doesoep) sami badé tampi paringan arta f5 saking negari, soepados kanggé wragad toemoet ngramèkaken rija wijosan 50 taoenan waoe.

La malih tampi kabar jèn badé wonten dawoeh, bilih wonten poen-doetan, bédjing ing dinten ngleresi wijosan waoe, sedaja pendoeoek ing Poerwardja (tetijang Islam samia dateng mesdjid, tetijang Tjong Hoa dateng klentèng, tetijang Protestan toewin para sedèrèk Kath. dateng Grédja), soepados sami njenjoeuena lan memoedja sageda S. M. R. P. Wilhèlminah waoe pinandjangna ing joeswa lan sageda tepanggènipoen djoemeneng ngreng-gani Nata.

LOERAH TERPELADJAR.

Ing doesoep Baléredjo (Madijoen) wonten satoenggiling loerah klebet tjekap; kawertos sabinipoen kémawon 60 baoe. Grija toewin radjakajanipoen tjerah kawah.

VAN LITH-STICHTING

JEJASAN ÉNGGAL

poenika

sagedipoen madjeng

goemantoeng dateng

Pandjenengan sadaja

Bestuur V. L. S.
PASTORIE
MOENTILAN N. I. S.

Pak loerah kasbat nginggil gadah anak djaler pinten boten patos terang; ingkang katingal satoenggal; wiwit alit pikantoe didikan tjekap; sareng agengipoen saged dados 2e. Commies poskantoor ing Weltewreden.

Rèhning pak loerah waoe sampoep sepoeh, soemedyang ngasokaken badan, nilar kalengahanipoen, kanti hormat. Pengageng ngrikoek ngleksanani ingkang dados panjoewoenipoen pak loerah; sadèrèngipoen kèndel, pak loerah kadangoe sinten ingkang badé anggentosi.

Saking panjoewoenipoen pak loerah sageda anakipoen ingkang dados 2e. Commies waoe nggentosi kalengahanipoen.

Anakipoen kalampahan dados loerah nggentosi bapakipoen. Déné mawi pilihan poenapa boten, boten patos terang.

Kapinoedjon ingkang djoemeneng A.W. nipoen prijantoe sepoeh. (conservatief), katawis ragi kirang rena dateng loerah énggal (ex. Commies); nalaripoen bokmanawi kémawon margi ragi njlenèh pijambak; kadosta; manawi kapinoedjon kempalan loerah-loerah dateng onderan kantjajakanipoen loerah sami menganggé rasoeakan tjemeng tjekak (sikepan) loerah énggal mawi djas petak pijambak.

Menawi wonten rawoehan pengageng B. B. poen loerah énggal inggih djas-djangan kala-kala gedasird. (Bokmanawi sampoep bijasanipoen). Dados manawi ladjeng badé toemoet-toemoet kantjanipoen loerah, sikepan; taksih rikoe.

Déné poen A.W. kirang rena dateng loerah ex. Commies waoe kilap nalaripoen, poenapa inggih namoeng babagan poenika poenapa wonten nalar sanèsipoen boten terang.

Ing satoenggiling wekdal A. W. lapoer dateng Regent, poenapa sababipoen? boten mangertos.

Éndjingipoen loerah énggal katim-

POESPITA MANTJA WARNA.

PANGOELIROETEK.

motto: arti djempol,
arta nggrombol,
otot metékol.

Inggang kamaksoedaken arti tjekak-aosipoen sawarnaning kapinteran, arta sawarnaning banda mas pitjis radjabrana, otot sawarnaning tenaga.

Tjatang ingkang kadoenongan arti djempol, nggadahi maksoed gadah kapinteran ingkang ngoeng-koeli sesami, dados oegi kènging koela sebatan linangkoeng oet. loear biasa; kadoenongan arta nggrombol i. p. kasinoengan ngroempaka, noempoe banda warni mas pitjis radjabrana ingkang langkoeng déning kawah, kènging koela sebatan abanda — abandoe; kadoenongan otot metékol, manawi tjag-tjeg, prigil ing damel, boten mawang ètèng-awratipoen, boten mawang kasar-aloesipoen dados kènging koela wastani boten nampik dateng sawarnaning padamelan.

Sapoenika doemoegining rembag.

Tjatang ingkang kawengkoeng ing arti, arta, otot kempal dados satoenggal, tampi noegraha medali Merdika, djer poenapa kémawon ingkang badé kasedia mesti saged kadoemoegèn, kapitoeroetan sadaja, mèh mokal ing mlèsèdipoen. Kosok-wangsoelipoen tjang ingkang boten gadah salah satoenggiling tetiga poenika, temtoe boten badé saged begdja — é begdja malih begdja, tjilaka mesti — malah badé tampi ploeembeer Sangsara alias adji klaras pating sloewir.

Tjatang namoeng ketémpélan arti tok, poenika badé madjeng rekaos sanget mèh lir oepaminipoen tjang boten gadah oentoe; kados - poendi sagedipoen?

Para maos temtoenipoen oegi sampoep yakin pijambak manawi saking kekijatanipoen arti kémawon boten badé saged adamel mareming manahipoen tetijang ingkang gadah sadia, djer gotanging arta lan otot ingkang andjalari.

Tjatang ingkang namoeng kegedongan arta tok, poenika inggih oegi angèl badé madjengipoen, djer sanadjan gadaha arta beriboe-riboe oetawi banda sanèsipoen matoempoe-toempoe, manawi oetekiopoen kopong mesti badé telasipoen, boten kènging boten, langkoeng-langkoeng ing djam samangké, lepat setindak — „abis kekajaan.“

Tjatang namoeng gadah otot tok sangsaja angèl sanget badé madjeng-

balan dateng kaboeptèn Madijoen; kedah ngadep djam 8 éndjing;

Ing dinten katimbalan poenika oegi loerah énggal 1/2 sampoep doemoegi kaboeptèn; (sampoep sadja).

Ing woensana dipoentengga saènga doemoegi djam 1/2 dèrèng katimbalan ngadep (dèrèng dipoendangoe).

Poen loerah djèngkèl; ngraos menawi kanggé dolanan.

Dèrèng ngantos ngadep bandara kandjeng (dèrèng pinanggih), poen loerah énggal dateng kantor telegram; telegram dateng karésidènan, njoeuwen kèndel, Toewan Resident kagè nampi telegramipoen loerah ex. Commies. Ladjeng kaoeroes poenapa sebabipoen, toewin manawi prakawisan, kalijan sinten; toewin sinten ingkang lepat.

Mekaten wartosipoen S. saking Madijoen.

J. Koes.

ATOER PRIKSA.

Lairipoen anak koela ingkang no. 7.

THERESIA COLETA POEDYASTOETI

wonten ing grija sakit ing Moentilan, nalika tanggal 10-8-'30 djam satengah nem éndjing. Saking sih kadamnanipoen Moeder Aufrida para Zuster enz. toewin pangstoenipoen para sadèrèk baji toewin iboenipoen sami ginandjar willoedjeng.

Njoeuwen wewahing pangstoe willoedjeng.

B. DARSANA sakalijan.

ipoen — (kagaliha, tjang sadéan roempoe, kadjeng oet. koeli.) Saben éndjing malah ngetèng-ètèngaken, njegah - njegahaken baoenipoen dateng kaoem kapitalisten. Manawi tjang makaten poenika badé madjeng prasasat Tjebol anggaoh lintang, manawi kènging koela oepamèkna; mbèndjing poenapa sagedipoen??

Ngentos manawi wonten beling bosok! (letterz.) Rak mokal ta?

Wonten arti lan arta tanpa otot kémawon, inggih taksih kirang; tjabi pandjenengan galih: Ing Pabrik-pabrik, perceel-perceel poenika oetek ingkang djadoeg-djadoeg pinten kémawon, lan banda - bandanipoen pinten èwoe kémawon, nanging manawi boten wonten koeli-koelinipoen (ingkang ngotokaken ototipoen) poenapa inggih saged mlampah??

Maatschappijen kadosdèné sepoer-sepoer, trèm-trèm, bus-bus lan sanès-sanèsipoen pinten dasanan opzichters lan Insigneurs kémawon?? Manawi boten wonten ototipoen koeli - koeli oet. kaoem berah rendahan poenapa saged mlampah??

Wonten arti lan otot tanpa arta kémawon badé kados-poendi? Rak inggih taksih kirang bekakasipoen ingkang moeroegaken saged ngglingding, saged djalan.

Wonten arta lan ototipoen kémawon oegi badé bèngkèk, djer pikiraniopoen sepen, kosong blong, soewoeng broeng, dados inggih mokal sagedipoen badé madjeng; oepami mlampaha inggih namoeng njèlèng.

Dados sampoep tjeta sanget, manawi ingkang badé saged merdika poenika manawi nggadahi arti arta otot nglempek, kelèt dados satoenggal.

La ingkang kaseboet nginggil: Arti djempol, Arta nggrombol, Otot metékol poenika kita namoeng ngatoeri para maos kersaa ngelimbang katjoendoekna kalijan adjeng oet. ke Merdikaning Indonesia.

Menggah kadjawi poenika para maos oegi kersaa notjogaken kalijan Sw. Tm. serat kabar kita, ingkang dados dedamel kita, amargi manawi kita andaraken malih boten woe-roeng badé damel boten renaning panggalihipoen para maos, djalaran pidjer-pidjer namoeng prakawis Sw. Tm. kémawon, nanging tetemboengan: „Volharden doet winnen“ toemantjep lan toemandjem lebet ing manahipoen.

Sadèrèk èstri paredèn
Toetiboedhiati.

WAWASAN BOEKOE.

Saking boekhandel J. B. Wolters Gang Scott 5 Weltewreden redactie tampi boekoe: NGELMOE BOEMI INDIA WÉTAN anggitané

J. L. OUDRAAD.

Boekoe „Ngèlmoe boemi India Wétan“ poenika sampoep tjap-tjapan kaping kalih. Toean J. L. Oudraad, directeur ing Normaalschool Djombang, ingkang nganggit boekoe kasbat, kabantoe goeroe-goeroe Djawi ing Normaalschool ngrikoek. Boekoe poenika kanggé moerid-moerid ing Normaalschool toewin goeroe-goeroe ing sekolahan andap.

Sebab serat poenika kanggé laré ingkang sampoep naté sinaoe ngèlmoe boemi (ing sekolahan andap, lan bokmanawi sampoep tamat) mila anggentipoen ngrembag (njarijosaken) tjara sanès. Parésidènan-parésidènan boten katjarjosaken pilah-pilah (saking satoenggal wates poenapa boten) nanging kasareng, oepami: tanah Djawi kadadosaken tjang pérangan, Djawi kilèn, Djawi tengah, Djawi wétan. Tanah Djawi kilèn kapérang malih dados tanah paredèn toewin tanah ngarè. Mila tanah paredèn Banten Betawi Tjirebon saha Prijangan dipoen-sarengaken anggentipoen njarijosaken. Kita-kita ingkang pantes kasomerepan ing ngakawah, kaboe-djantan, pabrik-pabrik saha pamedal ing rikoe karembag kanti talesih. Manawi paredèn waoe (langkoeng-langkoeng tanah ngarè), kalangkoengan lèpèn ingkang kawah pijoeenanipoen kanggé lelajaran, inggih dangoe pangrembagipoen. Makaten saladjengipoen.

Sami-sami poelo India wétan poelo Djawi poenika ingkang perloe pijambak saha ingkang sampoep kasomerepan sadaja, pramila boten anggoemoenaken, manawi pandjang tjarijosipoen. Namoe bab tjang Tenger, saking pamanggih koela, kedah dipoenwewahi: sebab ing ngrikoek saweg sakedik sanget (katja 52 gangsal larik ngandap); oepami: kados-poendi gesangipoen, watak saha tata tjaranipoen; tjang Tenger poenika alim sanget; seneng adamel sae dateng lijan; boten naté paben; radja pedjah boten naté kelampahan, boten pegatan lan sapanoenggilani-poen.

Boekoe kasbat nginggil mawi karengga gambar-gambar: gambar kawahing redi, gambar lèpèn, grija-grijanipoen tjang Mladjeng, tjandi-tjandi lan sanèsipoen.

Reginipoen boekoe namoeng f1,25 (gangsal welas oewang).

CORRESPONDENTIE.

Abn. no. 70 C. Soe. arta f 3 kanggé kwartaal II + III.
Matoer noewoen dateng abonné no. 325 N. P. Ngad; abonné no. 634 J. Sol. —

Karangan sanès poensrantosaken; kirang papan. —

Nalika tanggal 12 Augustus '30, koela kaparingan momongan ingkang nomer 1 nama
Rr. AGNES THERESIA OETARI
kanti willoedjeng.

Koela tjang sepoehipoen:

R. Robert Soenardja } Rahadi.
Rr. Regina Soejatinah }

O E R A P - S A R I

(PETIKAN SERAT-SERAT KABAR SANÈS)

KABAR KATHOLIEK.

Pastoer Djawi kekalih.

Gandèng kalijan pasrah-pasrahan pandamelan, rawoehipoen P. Djajasepoetra lan P. Soekiman wonten Ngajogjakarta, dipoenénggalaken doemawah wonten: dinten Setoe, tanggal 23 Agoestoos 1930.

Rawoehipoen andjoedjoe wihara Kotabaroe.

Éndjingipoen, Ngahad 24 Agoestoos, djam 6 éndjing, Rama Soekiman ngoendjoekaken Mis Soetji wonten Grédja Kotabaroe, Rama Djajasepoetra wonten Grédja S. Joesoep Kidoel Lodji.

P. Soekiman tjalon lenggah wonten Ambarawa, P. Djajasepoetra, wonten Ngajogjakarta.

Medal Sw. T. poenika redactie, atas namanipoen para lengganan Sw. T., soemarambahipoen dateng sadaja gotrah Kath. Djawi, ngatoeraken pambagja wilodjeng dateng pandjenganipoen prijantoe Ngoelama kekalih kaseboet nginggil. Moegi rawoehipoen, anjawabana ajoenipoen noeswa Djawi, koentjaranipoen Indonèsia.

Melanaschool.

Kala tanggal 15 Agoestoos, pakempalan Melania ambikak sakolahaniipoen èstri ingkang nomer kalih anama Mariaschool. Sakolahan waoe doemoenoeng ing kampoeng Keparakan Lor Ngajogjakarta. Rarakitan lan woedjoedipoen saé, nengsemaken. Bikakaning pamoelangan dipoenregengaken sawatawis mawi kekidoengan Djawi toewin Walandi. Ingkang andjenengi bikaking pamoelangan waoe, kadjawi wawakiling pakempalan-pakempalan, pandjenganipoen Inspektuer Schalken toewin H. S. O. Wignjasoemarta. Manoe katrangan, sakolahan waoe sampoen gadah moerid 180.

Taonan W. K. Ngajogjakarta.

Kala malem Ngahad 16/17 Agoestoos, Wanita Katholiek Ngajogjakarta ngawontenaken pista taonan, manggèn ing dalemipoen sadèrèk Soegiri. Ingkang rawoeh (± 300), kadjawi Rama Param Para, oegi oetoesaning pakempalan P. P. I. I. Wanita oetama, lss. Jaarfeest waoe pikantoe pasoeomang sekar saking P. P. I. I. lan W. O. Saking Taman Siswa, pikantoe sambotan gangsa. Tetingalan ingkang koela pèngeti ing ngriki:

I. Djogèd srimpi, laré èstri alit-alit, adamel leganiipoen para tamoe.

II. Tonil „Djagading Wanita“ angelaraken Dèwi Marjah anggèniipoen djoemeneng Ratoening Malaekat; Malaekat-Pamomong, lss.

III. Tablo, ingkang nedahaken bédanipoen roemijin kalijan sapoenika. Kala roemijin, tijang sami seneng manawi gadah anak katah, djam sapoenika tetijang sami ngoedi anak sakedik. (— Gandèng kalijan prakawis tablo poenika, ing ngriki perloe sanget koela pèngeti, bilih ing djagad Katholiek dipoenatjek-atjeki, ginantoengan dosa ageng, babar pisan boten kénging noelad pokalipoen djam kénging moesibat, angemohi paparinging Allah ingkang awoedjoed anak. Djagad Katholiek toemandang amérangi ébah-ébahan ngirangi toeroen poenika. Dados anggèniipoen W. K. waoe mitontonaken tablo namoeng loegoe anedahaken bédaning kawontenan roemijin kalijan sapoenika. Déné paoegeranipoen W. K. toemrap prakawis waoe, sampoen

mesti kémawon angenggèni paoegeran Kth. kaseboet nginggil.

Sokoer bagé sèwae, déné toemrap prakawis toeroen poenika bangsa kita taksih kolot, tegesipoen boten ngemohi soegih anak. Kolotipoen prakawis waoe, pamoedji koela, lestatoena salami-laminipoen. Sagedipoen makaten, doemoenoeng wonten kawaskitanipoen para pangandjoering bangsa. Mila, langkoeng prajogi manawi prakawis waoe boten dipoenepik-epik, awit sisib sembiripoen malah nalisip, dados kados ananem widji, alijas propagandah. Sedyanipoen badé merangi, wohipoen malah dawah kosok-wangsoel. —

IV. Vaandel (diwadja) W. K., dinasaran baloedroe biroe nèm rijep-rijep angresepaken, ing tengah wonten pepetanipoen Sang Kenja alikaljan Poetra, dipoenséba rini Djawi. Djarwaning vaandel waoe: Sang Kenja dados pangajomanipoen W. K., oet. Wanita Katholiek ngajom, bekti, ngabekti dateng Sang Kenja.

V. Lan sanès-sanèsipoen.

Perloe koela atoreraken, bilih nalika pésta W. K. waoe, katitik bilih baenipoen golongan prija inggih toemoet tiantjoet ambijantoe, ngantos wonten prijantoe kakoeng (santengah) sepoeh, ingkang kalebetan roh moeda, karsa angedali djodjogédan, loetjon, toer katingal tjoe-tjoet. Poenika waoe amratandani: golongan prija poeroen angadjengaken madjenging wanita. Ingkang makaten waoe mila perloe sanget, djer adjenging wanita boten saged anilar prija, semanten oegi kosok-wangsoelipoen.

Prijantoe sepoeh ingkang sinoeksman roh moeda waoe, dados katja benggalanipoen sadaja prija. Pikadjeng koela, boten kok sadaja kedah ladjeng kedah nglampahi kados pandjenganipoen. Djer sabèn tijang anggadahi poeloeng pijambak-pijambak. Tjekap waton pandjenengan: ambijantoe vrouwenbeweging ingkang nalar, ingkang laras! Koela poepoedji wilodjengan taonan W. K. anjawabana adjengipoen W. K. Mataram, soemarambahipoen andajani indaking soepketipoen para wargi, sasarengan toemandang angrakit saéning grija Indonèsia. (A.S.D.)

KABAR O E M O E M

INDONESIA.

SAKING NGAJOGJAKARTA.

—Djor-djoran montor bis Victoria kalijan A. M. Java ing margi Ngajogjakarta — Magelang, anderpati sanget. Ngantos kerep adamel woetahing rah. Paréntah Ngajogja anjegah prakawis waoe, sarana damel pranatan kientjeng sinten ingkang ngroemijini damel dadakaning paben, (tegesipoen kalepatan), dipontjaboet palilahipoen nglampahaken bis (vergunning-ipoen). Sapoenika, maskapé A. M. Java ingkang ngitjipi roemijin, vergunning-ipoen dipontjaboet, bisipoen boten kénging loemampah ing dalem sawoelan wonten margi Djokja — Magelang.

—Para agoeng, prijantoe pangreh pradjia ing Kedjawan (Ngajogjakarta lan Soerakarta) mentas parepatan wonten ing dalem Goepernoeran Ngajogja. Kadjawi sanès-sanès, angrembag oegi prakawis rantjangan Balé Agoeng.

—Sadèrèk Rm. Kresnaamidjaja, goeroe R. K. Standaardschool Medari, sapoenika wonten grija sakit Pétronéla Ing Ngajogja, margi kala Ngahad nalikanipoen noem-pak sepédah katabrak vrachtauto A.B. 2041 wonten Sléman, tatoe ing sirah, tangan lan soekoe. Kawertos, vrachtauto-nipoen sampoen dipoenendeg satoenggiling tijang boten poeroen mandeg. Koela memoedji, moegi sadèrèk waoe sageda énggal saras.

Ngleresaken lepat.

Ing Sw. Tm. 15 Agoestoos, wonten lepatang pangetjap ingkang saged noewoehaken seling serep, i.p. Lembaran 2, panggénan Wawasan boekoe „Sari Swara“, poenika lerisipoen namoeng doemoegi oekara „... nanging para goeroe saged ngleresaken pijambak“... ing kolom nomer 3 saking kiwa. Déné oekara-oekara teroesipoen oekara poenika (oegi ing kolom 3) lerisipoen kalebet golongan verslag P.B.M.T.S. ing kalom 4. Ing verslag P.B.M.T.S., oekara kalih larik

saking ngandap poenika, teroesipoen wonten ing kolom nomer tiga waoe.

Ing verslag P.B.M.T.S. kolom 4, larikan nomer 23 saking ngandap wonten oekara moengel makaten, „... nénéman kedah njoemerepi kabar Indonèsia“ poenika lepat. Leresipoen babad Indonèsia.

Wasana, koela njoewoenaken pangapoenten korektor kita. (Redactie Sw. T.)

Boten angsal dados warga Gemeente Raad.

Sadèrèk P. lengganan Sw. T. njerat makaten:

Ing Sw. T. tanggal 15 Agoestoos, wonten kabar petikan prakawis „anggenipoen sadèrèk Soekardi sawoeng Pasoendan boten dipontampi dados warga Gemeente Raad, margi boten saged tjara Walandi, mawi kapratélakaken boten wonten artikel ingkang nentjjang warga Gemeente Raad kedah saged tjara Walandi. Malah Raad Kawoela kémawon inggih wonten wargi ingkang omong mawi basa Mlajoe, mila pakempalan Pasoendan protest.“

Prakawis basa Walandi ing Gemeente Raad, poenika para maos koela atoeiri mirsani Ordonantie 27 Agoestoos '26, ingkang kamot ing Staatsblad 1926, no. 365, Hoofdstuk 2, afdeeling 2, artikel 6 lid 1 lan lid 2, sub a ten eerste, lan ten tweede, poenapadéné sub b. Ing ngrikoe wonten oengel-oengelan makaten:

art. 6(1). Tot lid van den raad (stadsgemeenteraad kadosdéné Soekaboemi) kunnen alleen verkozen

worden mannelijke Nederlandsche onderdanen, die ingezetenen van Ned. Indië zijn etc. etc. ter beoordeeling van den burgermeester voldoende kennis bezitten van de Nederlandsche taal. (....) Sing kena dipilih dadi warganing raad moeng kawoela Nederland, doedoenoeng ing Indija Nederland, ... lss. ... sing manoe panemoené burgermeester ndoewèni kawroeh basa Landa njokeopi. Red.)

Jèn kanggé warga Raad Kawoela, boten wonten oengel-oengelan ingkang kados makaten. (Zie Wet op de Staatsinrichting van Ned. Indië kawrat ing Ned. Staatsblad 1925, no. 234 lan 235, oet. Ind. Staatsblad 1925 no. 415 lan 416, tweede Hoofdstuk, art. 55, lid 1 sub a, b, c, d, d 1 lan 2. Dados inggih kénging mawi basa Indonèsia.

Samanten oegi ing Provinciale Raad inggih boten kedah saged tjara Walandi.

Koela ingkang damel petikan kabar ing nginggil perloe mratélakaken bilih s.k. Het Nieuws damel wawasan prakawis kaseboet, makaten: Ons lijkt deze weigering ongemotiveerd.

Art. 37 van de Locale Raden Ordonantie zegt nadrukkelijk in sub 2: „bij de beraadslaging kan zowel de Nederlandsche als de Maleische taal gebezigd worden.“

Sub 3 gaat daar dieper op in en stelt vast, dat voor leden die de Nederlandsche taal niet verstaan, eventueel een tolk ontboden kan worden.

Wij begrijpen dan ook niet, dat de Raad een lid van Pasoendan kon weigeren op onwettige gronden.

Tegesipoen kémawon: Panampikiipoen Raad dateng sawoeng Pasoendan waoe boten maton. Djer, art. 37 ing Localerenonantie njarijosaken bilih rerembagan ing ngrikoe kénging katindakaken mawi basa Walandi lan Mlajoe, malah sub 3, anjarjosaken manawi perloe kénging migoenakaken djoeroe basa.

Bintang Timoer damel komentar makaten: „Kita poen tahoe bahwa di Medan, kota yang lebih besar dari Soekaboemi, ada lid yang selama ini berbahasa Melajoe, ialah toean Abdullah Loebis, directeur Pawarta Deli, dan di Padang poen ada leden yang berbahasa Melajoe sadja teroes, malah pemandangan oemoem tempo hari dipakai bahasa Melajoe oleh toean Taher gelar Mara Soetan. Di Volksraad poen ada lid yang teroes berbahasa Melajoe, sebab dalam oendang-oendang memang diizinkan. Kita heran dengan Soekaboemi matjam ini! Tetapi kita rasa tentoe Gedeputeerden Provinciale Raad West Java akan baltakan itoe besluit yang aneh.“ A.S.D., red. Sw. T.

Opsir Indonesiër.

Mitoeroet serat kekantjangan tanggal 3 Agoestoos, toean-toean Soewardi, Mohamad Soedibjo lan Soetopo sami kaangkak dados Litnan Infanterie klas 2. (Bintang Timoer). Mesjdjid mawi pirantos amban-tasaken swanten.

Mesjdjid ingkang sapisanan mawi pirantos amban-tasaken swanten (luidspreker) i.p. mesjdjid Soerakarta. Mesjdjid waoe dipoenseokani pirantos kaseboet 9, ingkang nem kanggé ngongrongan djaler, saesipoen kanggé èstri.

Oetek Indonesiër.

Dipoenangkak dados Indisch arts sadèrèk Ramelan, (Karang Anjar, Kedoe kidoel). Katirimah iksamenipoen Ind. Artsexamen pérangan kalih: Mohamad Iljas (Padang).

De Veertiende Club.

Saking tepangan koela, koela mireng pawartos bilih ing Soerakarta wonten pakempalan winados anama De Veertiende Club, sedyanipoen anjegah oet. ngitjali tandoe ngrisak kasoelasan, merangi palanjahan, lss. Kawertos pakempalan waoe panjamboet damelipoen tjantjoetan sanget. Pakempalan waoe panjamboet damelipoen sasarengan kalijan poelisi, sarana serat boedeg.

Ing Ngajogjakarta ngriki, inggih wonten ébah-ébahan makaten poenika dipoenpangagengi ingkang asisinglon Kala, ing serat kabar Sedya Tama. Pakempalan makaten poenika saèstoe moerakabi. (Pak Tyon).

Pangiridan.

Bat. Nieuwsblad martosaken sawenèh kaboeidajan karèt ing Soekaboemi sampoen anindakaken pangiridan.

Salah satoenggiling toko Inggris, ngedakaken blandjaning poengganwanipoen 20%.

Prahara.

Aneta njarijosaken ing Asahan (Soematra pass. Wétan) ing onder-neming Aek Taroen distrik Bandar, tjaket Tg. Balai, mentas katradjang prahara. ngrebahaken grija kongsi Tionghoa 5 woewoeng, sarta damel pedjahipoen wargi kalih.

Pest ing Bangkok.

Wiwit tanggal 15 Agoestoos poenika ing Bangkok katradjang pagebloeg pest.

Adviseur M. D. dipoentjeng.

Saking Padang Aneta martosaken bilih tilas kepala Negari Batipoeh Baroe tjaket Padang Pandjang t. Dateok Rangaja Maharadja, adviseur pakempalan Mohamad Diah, dipoentjeng margi ngodjok-odjoki (mengasoet).

Soedanipoen waragad tilgram Nederland — Indonèsia.

Paréntah ngriki, boten saged njondongi ngedakaken tarip tilgram Nederland — Indonèsia.

ONTJÈN SEKAR GAMBIR MELATI.

SEMBAH LAN DODOK.

Ngantos ngoemandang doemoegi Raad Kawoela.

Datengipoen tijang mantja wonten Indonèsia, andajani éwah-éwahan warni-warni. Oepami kémawon prakawis tata krami.

Kala roemijin, laré-laré Djawi dipoenpersoedi saèstoe tata-krami Djawi: njembah, ndodok, lss. Ngantos, ... wonten padatan tijang njoewitakaken anak dateng prijantoe. Perloenipoen: soepados anggoeroe tata-krami Djawi.

Nanging, ... djam sapoenika, ... djam soemadoeloer (— oengeliipoen! —) pakoermatan njembah, ndodok, waoe, kaanggep langkah saking ngekat.

Roemijin, ... moerid-moerid pamoelangan angka kalih, sami dipoenatoelaken kalijan boekoe „Woelang Siswa“.

Nanging, djam sapoenika, djam demokrasi, sampoen malih ingkang moeridipoen, tjatjak goeroenipoen pijambak soemerep woedjoedipoen „Woelang Siswa“ kémawon dèrèng kinoer. Saweg panjeboetipoen laré angka kalih dateng goeroenipoen kémawon, inggih sampoen wonten ingkang njéngkok Walandi: „mijnheer, menir —“, ngantos kerep kémawon temboeng poenika dipoenwantjah dados: „nir. Malah kerep oegi dipoenater-ateri mas, dados mas-menir, lss.

Djam roemijin, „tijang saged njembah, ndodok, poenika dipoenprada. Nanging djam sapoenika, adakanipoen dipoenwani, apes dipoen-goegoedjeng, inggih sanadjan boten kelahir.

O, mingset-minset djam!

Éwah-éwahan makaten poenika awon poenapa saé?

Prakawis poenika, koela borongaken pandjenengan pijambak! Patjar Mérah namoeng saged matoer: „Kabekta saking ébahing djam, tetijang Djawi ingkang anggondele tata-krami Djawi deles, badé kawon desoek. Ateges oegi: kaoem kolot, kawon desoek kalijan kaoem moeda.“

Roemijin, prijantoe B.B. poenika karem ndodok lan njembah, ... didodoki lan disembahi!

Nanging ing djam soemadoeloer poenika, pandjenengan meningi wonten Boepati andawoehaken ngilangi sembah.

Nembé poenika kémawon, konggrèsipoen prijantoe B.B. (pakempalan P. P. B. B.) ing Soerakarta, damel motie: ngitjali sembah, dodok.

Dados, golongan B. B. ingkang waoenipoen karem sembah-systeem, ing djam kemadoeloer poenika ngemohi! Loerah ingkang taksih ngalami kedah nglesèd wonten sangadjengipoen ndara Dana lan ndara Setèn, bokmanawi margi dajaning motie waoe badé mindak dipoenadjèni bendaranipoen sakedik! Pendapa kawedanan, oet. ngasisténan (— ingkang dèrèng —), margi dajanipoen motie ing nginggil, bokmanawi kémawon inggih ladjeng isi koersi katah, soedjian paloenggoehanipoen loerah-loerah doesoen manawi ngleresi klempakan wonten kawedanan oet. ngasisténan.

Boten namoeng ing kalangan B. B. kémawon, ingkang katingal (badé) ngitjali sembah-dodok. Ing djagad goeroe, sampoen dangoe inggih kapireng swanten boten remen manawi wonten goeroe nglesèdi, ndodoki, oet. njembah bendara kangdjeng toewan Insepktoer, oet. bendara Sekoelopsiner.

Boten remen, manawi wonten kangdjeng toewan Insepktoer, oet. ndara sekoelopsiner neda dipoenklèsèdi, dipoensembah-sembah!

Malah, ... prakawis swanten neda itjalipoen sembah dodok ing kalangan onderwijs poenika, sampoen ngoemandang doemoegi Raad Kawoela taon poenika. Ingkang dados slomprètipoen, wargi bangsa Walandi, golongan I.S.D.P., goeroe H.C.S. gemeente ing Betawi, t. De Dreu.

Tijang Roeslan ingkang dipoentahan.

Toewan lan njonjah Smirnoff bangsa Roeslan, ingkang katahan margi kakoewatosaken dados propagandist Roeslan, kados ingkang sampoen kawartosaken ing Sw. T. ngriki, sasampoenipoen katahan 20 dinten ladjeng kawedalaken margi pantji resik. Nanging bab kéngingipoen manggèn wonten ngriki, poenika taksih ngentos poetoesanipoen Immigratie Commisie.

Mohamad Diah kalijan Raad Kawoela.

Manoet pamirengipoen het Nieuws, pakempalan Mohamad Diah badé toemandang soepados ing taon 1931

Toewan De Dreu, tjarijos makaten: „(...) Naar mij werd medegeëeld, worden door sommige lnl. schoolopziëners en zelfs ook door Inspecteurs, nog overmatige eerbetigingen geëischt. Deze worden niet alleen van de onderwijzers gevorderd, maar ook de kinderen moeten op de maat de eerbewijzen uitvoeren.“

— (Warga t. Suermontd takèn: „Tanda pakoermatan sing endi?“ T. Dreu mangsoeli: „njembah!“ —) Het lijkt mij alleszins gewenscht, Mijnheer de Voorzitter, dat van departementswege aan de inspecterende ambtenaren een circulaire wordt gezonden, waarin op het ongewenschte hiervan wordt gewezen.“

Atoeripoen t. Dreu poenika soeraosipoen tjara Djawi makaten: „... Sawenèh ing sekoelopsiner, lan dalasan Insepktoer pisan, wonten ingkang neda pakoermatan langkoeng saking ngekat. (— kapoerih njembah! —) Lan ingkang kapoerih makaten waoe, boten namoeng goeroenipoen kémawon. Para moerid oegi kedah toemindak makaten mawi dipoenabani. Mila prajogi sanget manawi departement maringi sirkoelèr dateng prijantoe waoe, bilih tindak makaten poenika boten saé. (— soepaja dipenging! —)

Perloe koela pèngeti ing ngriki, bilih t. Dreu waoe saladjengipoen njarijosaken asoeraks: margi wewenang mindah goeroe poenika wonten insepèksi, ladjeng noewoehaken tindak boten leres; andajali wonten pokal „golèk pendok“ lss. Oepami-nipoen: goeroe-goeroe angka kalih ingkang gadah, joetjoel arta pijambak, ndadosaken barang-barang asta gina dateng toekang, ladjeng kaakenaken damelanipoen moerid; damel schoolkaart dipocsaé-saé, mawi artanipoen pijambak, lss. Poenika waoe sadaja namoeng ngempèkempèk insepèksi, soepados boten dipoenpindah. Kadjawi poenika t. Dreu anjeda prijantoe insepèksi ingkang njrengeni goeroe wonten sangadjenging moerid ... T. Dreu neda soepados dajanipoen insepèksi toemrap pindahing goeroe dipoenwatesi, dipoenkirangi!

Tanda pakoermatan poenika pan-tjèn boten kedah awoedjoed ambatoer toekon! Éwadéné, weling koela dateng para goeroe pamoelangan andap, sampoen kasoepèn moelangaken: trapsila, weroeh ing tata, ... dateng moerid-moerid! Sampoen ngantos swanten angitjali sembah-dodok waoe andajani pandjenengan anglirwakaken pamaridi pandjenengan dateng moerid-moerid prakawis mangertos dateng tata-krami, soeba sita, pakoermatan!

Dados, nitik galagat ing nginggil, delesing tata-krami Djawi badé itjal! Banderanipoen kaoem-moeda tjap „hilang sembah dodok“ badé koemlèbèt toemantjeng wonten noeswa Djawi. Ingkang taksih nglesant-toenaken bokmanawi golongan alit, kaoem ningrat, ing salebeting kadatara Ngajogja, Soerakarta. Lan bokmanawi, — kados atoe koela kala roemijin — inggih ing djagad Katholiek Djawi, manawi wonten salebeting Grédja (— Prakawis sembah ing Grédja poenika ngen-tosi pamanggihipoen Koemisi Tata-tjara gadahanipoen P. K. W. —).

Nanging, ... nanging, ... pandjenengan kedah oegi ngèngeti lagéjanipoen ngalam donja! Kedah oegi ngèngeti éwah gingsiring lalampahan lan panganggep ing salebeting djagad ageng!

Manawi pandjenengan satitèkaken, katah kémawon prakawis oet. kawontenan ingkang waoenipoen dipoenadjengi, ladjeng dipoenemohi, wasana dipoenkaremi malih.

Sematen oegi, prakawis tata-krami Djawi poenika waoe! Waoenipoen dipoenpoendi, saiki ditampik, ... bokmanawi béndjing jèn sampoen badé tjores babar pisan, ... ladjeng dipoen-gegesang malih!

Nanging atoe koela poenika, inggih namoeng bokmanawi! Djer koela boten saged metja.

Éwadéné tjabi, atoeipoen Patjar Mérah dipoentitosi kémawon!

Kumuningsaselé 17 Augustus '30.

Taklim:

Patjar Mérah.

poenika anggadahi wakil wonten Raad Kawoela.

Delèr van Sandick.

Warga Raad van Indie énggal, t. van Sandick, goepernoer ing Soematra Pss. Wétan, sampoen pangkat dateng Betawi.

Reboet baloeng tanpa isi.

Wonten ing Swara Oemoem ddo. 15 Agoestoos, koela maos panan-gandjipoen P. S. I. I. Soerabaja dateng redactie Swara Oemoem, ngadjak ngawontenaken openbare debatvergadering wonten tanggal 17 Agoestoos poenika, perloe soepados ane-rangaken awonipoen Mekah saèni-poen Digoel, oet. pranatan-pranatan ingkang awon salebetipoen Islam.

M. v. BIENE.

Toekang herlodji dan Toekang emas.

Adres jang moerah

DIOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,
dengan bawa lembaran
Swara Tama
dapat POTONGAN.

PAKOLEH TOER LOEWESAN
SAE TOEWIN AWET
INGGIH NAMOENG
MERK GAZELLE
INGKANG AWOEDJOED
ALCYON
DUNLOP } RIJWIELEN
R. I. W.

Nitjil kènging! – Kentjèng soekoer!

GAZELLE HUIS – ROEMAH GIDANG
MALIOBORO – DJOKJA – TELF. 508.

Boeat toean poenja

ERCEE

Recept²

APOTHEKEN

Rathkamp
& Co

MALIOBORO 15 DJOKJAKARTA.

**AGÈNT KANGGÉ SALEBETIPOEN
NGAJOGJAKARTA.**

Sepeda-sepeda merk:
SIMPLEX Cycloide, S. djené, S. petak sarta Simplex Transfer.
HIMA: Wassenaer, Rondrit, Oranje sarta Woestduin.
TOURIST: A. A. sarta A.

Sedija oegi sepeda merk:
RAY — SWIFT — GRUNO — HUMBER — VIALLE —
BURGERS E.N.R. — KROON — NATIONAL — BERGKONIG.
Sarta malih sepeda mirah wiwit pengaos f55.—, f65.—, f75.—
saprabotipoen: Klinting, pompa, lentéra sarta tas isi perka-
kas koentji sarta wadah lisah.
Mentas tampi per S.S. Slamet sarta JOH. de WIT sepeda merk:
ROVER Imperial, continental, The Rover sarta Metallicus.
Sedija oegi Djas djawah, Kopper, Lentéra Stormking, Lemantoen
tosan sarta tjèt wenter.
PENJADÉJAN KENTJÈNG SARTA KATJITJILAKEN.
Menawi perloe moendoet katerangan, badé kakintoen pratélani-
poen kalajan lelahanan.
Njenjadang Welingan.

**Rijwielenhandel Reparatie-inrichting en Smederij:
„WIRJOSOESENO”**
Lodjiketjil 16. NGAJOGJAKARTA Telf. No. 13.

TOKO BARANG-BARANG
H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.
Perkakas dari gelas, dan perkakas dapoer;
Kereta dan korsi boeat anak-anak;
Tempat tidoer, lampoe gasoline, dan
— permainan boeat anak-anak ketjil. —

**SEMOEA BARANG PALING DJEMPOL, DAN
MOERAH SEKALI!**

Toko DJOEN & Co., Djocja.
PATJINAN MOEKA TOKO FUJI — TELF: No. 374.

Adres jang paling moerah dan paling baik
boewat pembikinannya.

**ROTIE-ROTIE, KOEWEE-KOEWEE dan
BESCHUIT-BESCHUIT KERING.**

**SROETOE-SROETOE dan ROKOK-
ROKOK, jang haloes dan kasar.**

Djoega slamanja djanang loepa minoem kita
poenja KOFFIE BOEBOOK, jang special die
giling dengan machine Electrics, bisa giling aloes
dan kasar, menoeroet pembelie poenja perminta'an
die tanggoeng sampee menjenengen, harga per
pond f 0,90.
Bolih datang saksiken!

Memoedjiken dengan hormat
Toko DJOEN & Co.

TJÈT GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;

sablèg regi 10,50 5,50 3,- 1,30 0,75;

TJÈT GILAP model B. kanggé ndjawi lan nglebet
namoeng kantoen ngagem; sablèg netto 10 kilo: f 8,50;
5 kilo: f 4,50.

PABRIK TJET R.B. FRIELING
Gondhomanan 80 — DJOKJA — Telefoon no. 784.

DJAMNJA HARI ACHAD DI SEMENTARA TEMPAT ADA KOERBAN MISSA.

| | | | |
|---------------------------|----------------------------|-----------------------|-----------------------------|
| Ambarawa 6.-7.30. | Lamah 5.30-6-8. | Pekalongan *) 6.30-8. | Kepandjèn 6-7-9. |
| Amboina 7.30. | Lawang *) 7. | Pemangkat 8.30. | Anita Boul. 6-7.30-9. |
| Bagan Siapi-api 7.30. | Madioen 6-7.30. | Poerwokerto 7.30. | Soerakarta 6-7-8.30. |
| Bandoeng 6-7.30-9. | Magelang 7-9. | Poerworedjo 7-8.30. | Tandjoeng Balai 7.30. |
| Benkoelen 7.30-9. | Makassar 6-7.30. | Pontianak 7-8.30. | Tandjoeng Karang 8. |
| Blitar 7.30. | Malang 6-7.15-8.30. | Probolinggo 7.30. | Tandjoeng Sakti 7.30. |
| Buitenzorg 6-8. | Manado 6-7.30. | Salatiga 7.30. | Tara-Tara 7.30. |
| Cheribon 7.30. | Medan 6.30-8-8.30 (tjina). | Sambas 6-8.30. | Tegal 6.30-8. |
| Djember 7.30. | Djokja: 9.30 (mal.). | Sambong 8. | Tering 7. |
| Kampementstraat Eur. 7-9. | Medari *) 7.30. | Sawah Loento 7-8.30. | Tjilatjap *) 7.30. |
| Jav. 6-8. | Meester Corn. 7-9. | Sedajoe 7. | Tjimahi 6-8. |
| Kota Baroe 6-7.30. | Mendoet 6-7.30. | Sedjiram 5.45-8.30. | Tomohon 7-8-9. |
| Djombang *) 7.30. | Modjokerto 6-8. | Semarang: 6-8. | Wates *) 7. |
| Fort de Kock 7.30. | Moentilan 5-6-8. | Gedangan 6-8. | Weltevreden: 5.45-7-9. |
| Gandjoeran *) 7. | Muntok 8. | Bangkong 6.30-8.30. | Waterlooplein 6-8-9 (mal.). |
| Gomboeng *) 7.30. | Ngawi *) 7.30. | Tjandi 7-9. | Kramat 7.30. |
| Keboemèn *) 7.30. | Padang 7-8.15-9 (tjina). | Randoesari 7-9. | Wonosobo *) 7.30. |
| Kediri 7.30. | Padang Pandjang 7.30. | Singkawang 6.30-9. | Woloan 8.30. |
| Klatèn 7.30. | Pajakoembo 7.30. | Soekaboemi 6-7.30. | |
| Koeta Radja 6.30-8. | Palembang 7-9. | Heuvel 5.30. | |
| | Pasoeroean *) 7.30. | Soerabaja: 5.30. | |

1) 1e. Achad. 2) 1e. Achad. 3) 1e. Achad. 4) 1e. Achad. 5) 1e., 2e., 4e. Achad. 6) 1e., 2e., 4e. Achad. 7) 3e. Achad. 8) 3e. Achad.

Panantang poenika, gagandéngan kalijan karangan bab bédanipoen Mekah kalijan Digoel kawrat ing sk. Swara Oemoem. Redactie Swara Oemoem, wonten serat kabaripoen tanggal 15 Agoestoes poenika, tjarijos Moela tantangamde "moeng kita èsemi." Minggoe kepenger kelampahan débatvergadering, nanging margi kosèk, saking panedanipoen poelisi, kabibaraken. Pihak Swara Oemoem boten poeroen datang.

Sapinten katahipoen tijang nganggoer?

Ing taoen 1929, tjatjahipoen tijang pados padamelan bangsa Eropah ing Betawi, djaler: 899, èstri 351. Ing satanah Djawi, bangsa Éropah ingkang pados padamelan waoe, djaler: 4832, èstri 1443, (4½%). Tjatetan poenika, petikan saking kantor-kantor kanggé ngoepados pakarjan, lan tjatjah ingkang leres, mesti langkoeng inggil saged tikel kalihipoen.

Déné tjatjahipoen tijang pados padamelan bangsa Indonesia ing tanah Djawi, kala taoen '29 poenika waoe, djaler: 11.127, èstri 601.

Bangsa Tionghoa ingkang pados padamelan datang kantor waoe, boten sapintena. Indonesiër ingkang pados padamelan ngetik, katawis mindak. (Het Nieuws.)

Doktor R. Seno Sastroamidjojo.

R. Sastroamidjojo kelahiran Tegal-redjo, wonten pamoeangan loehoer Amsterdam kaangkat doktor prakawis kasarasan.

Krakatau.

Tilgram Aneta saking Lang eiland 18 Agoestoes, njarijosaken bilih pangageng vulkanologischen dienst niti priksa poelo énggal, ingkang d'ame-teripoen kirang langkoeng 800 M.

Pandjagipoen poelo, wiwiltèr mangidoel wonten 1150 M. Déné wijari-poen saking Kilèn mangétan 250 M.

MANTJA NEGARI.

HINDOE. Manoet tilgram saking Simla 17 Agoestoes, Bangsa Afridi taksih sami damel resesah. Opsir wadyabala Inggris wonten ingkang pedjah satoenggal.

Montor maboer gadahanipoen militer sami toemandang, sarta inggih damel girisipoen tetijang Hindoe. Kala tanggal 16, wadya kabangsan ingkang sami wonten goewa-goewa Khajurie poenapadéné ing Basra, samidipoendawah bom saking nginggil. Tjatjahing tijang ingkang wonten goewa-goewa lan ing distrik Peshawar, katjarijos sampoen soeda. Kala Rebo lan Selasa, montor maboer inggih andawahaken bom wonten distrik Oppor-Kuram, andjalari kapitoenèn katah, lan tetijang ingkang damel resesah wonten ngrikoe ladjeng sami késah. Sanadyan makaten, nanging wadya kabangsan waoe inggih dèrèng saged karesikaken saèstoe, taksih katah ingkang sami wonten ing goewa-goewa sakidoelipoen lèpèn Bara. Kadji ing Toeranhzai taksih teroes angrioe bala saking kalangan Islam. Hooge Commissaris ing distrik Lèr Kilèn saeroetipoen wates, angondangaken oerdang perang.

FINLAND. Padagangan madjeng.

Finland, anggandèng Scandinavie kalijan tanah-tanah saganten Wétan. Finland soegih wanagrodjogan toewin tlaa kados Zweden lan Noorwegen. Sitinipoen loh. Sabak-danipoen perang, Finland merdika, ladjeng ngoedi ngadjengaken pabrik-pabrik. Sabakdanipoen taoen '24, ladjeng katingal madjeng. Wiwit taoen '24 waoe, mitoeroet pétangan sapoenika, tjatjahing pabrik mindak

25%, tjatjahing kaoem berah mindak 22%, lan barang-barang wedalan pabrik pangaosipoen mindak 47%.

Ing taoen '29, barang wedalan pabrik pangaosipoen langkoeng katah tinimbang kala taoen '28, i. p. wonten 1400 mlijoen Mark-Finsch (1 dollar wonten 37 Finsche marken). Goenggoenging export wonten 6430 mlijoen, déné import total djéndral wonten 7000 mlijoen kiranga sakedik Mekaten tjarijosipoen United Press Staf Correspondent (Midden Java).

DJEPANG. Tjatjahing tijang nganggoer saja mindak. Paréntah sadjak boten angrembag tetijang ingkang sami nganggoer, margi Nagari pijambak karépotan prakawis arta.

Ing djagad padagangan, katah tijang dipoentjopot, dipoenlongi blandjanipoen. Tijang èstri saé-saé katah ingkang nindakaken katjoelikan, ing pangangkah sageda ngreksa gesang-ing pamili. Wonten pantoentoen proletarisch medjahi bodjonipoen lan anakipoen sakawan. Wasana badanipoen pijambak ladjeng ngalaloe.

Wonten serat tilaran saking tijang djaler, njarijosaken: tijang mlarat boten gadah pangadjeng-adjeng gesang wonten kawontenan Djepang samangké poenika.

Nanging dokter, aggadahi pamanggih katahipoen tijang sami ngalaloe lan medjahi tijang poenika margi telesing hawa kabekta saking sapoenika saweg mangsa rendeng. Kadjawi poenika, Djepang inggih mentas ketradjang hawa bentèr.

Paréntah mentas noendoeng accountant kantor Sovjethandelscom-missaris, anama Kroepeintik, margi damel propaganda bolsjewistisch; makaten tjarijosipoen pembantoe North China Daily Newsing Tokio. (B.T.),

NGOEPADOS

réntjang èstri (sokoer Katholiek), **tjekap ing oemoer**, mrantasi pendamelan ing pawon toewin kènging pinitados momong laré-laré.

Kanggé fam. J. C. O. Hadiwardaja
Pagilaran Pekalongan.

Blandja: f 5.— sawoelan. Neda toewin tilem nglebet. Katrangan datang

ADMINISTRATIE Swara Tama.

KLEERMAKER ACHMAD
TAMBAKSEGARAN
SOLO

Pantji soedija kanggé para kakoeng mawi modèl warni-warni; oegi nampi welingan badé roepi-roepi.

**DAMELANIPOEN NÈTJES;
ÉPAHANIPOEN PANTES.**

EIGENAAR ACHMADJASIN